

**CENTRALNA BANKA  
BOSNE I HERCEGOVINE**

Broj: 150-15-4-1430-9/19SR  
Sarajevo, 24.07.2019. godine

Na osnovu člana 70. stav (1) i (3) Zakona o javnim nabavkama („Službeni glasnik BiH“ broj: 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

**O D L U K U**

o izboru najpovoljnijeg ponuđača za nabavku robe – kancelarijskog namještaja za potrebe Centralne banke Bosne i Hercegovine – Glavne jedinice Mostar - LOT 2

**Član 1.**

Centralna banka Bosne i Hercegovine (u daljem tekstu: Centralna banka) dodjeljuje ugovor za nabavku robe - kancelarijskog namještaja za potrebe Centralne banke Bosne i Hercegovine – Glavne jedinice Mostar - LOT 2, ponuđaču „R&S“ d.o.o. Sarajevo, a u svemu prema ponudi broj: 13817/18 od 21.06.2019. godine i rezultatima održane e-aukcije .

**Član 2.**

(1) Prema izvještaju o toku i završetku e-aukcije, ponuda ponuđača iz člana 1. ove odluke iznosi:

**3.992,00 KM bez uračunatog PDV-a**

(slovima: trihiljadedevetstotinadevedesetdvije konvertibilne marke i 00/100),

odnosno

**4.670,64 KM sa uračunatim PDV-om**

(slovima: četirihiljadešeststotinasedamdeset konvertibilnih maraka i 64/100).

**Član 3.**

Centralna banka će, po sticanju uslova za zaključenje ugovora u skladu sa Zakonom o javnim nabavkama, s izabranim ponuđačem iz člana 1. ove odluke zaključiti ugovor za čije se izvršenje zadužuje Odjeljenje za zajedničke poslove Centralnog ureda Centralne banke Bosne i Hercegovine.

**Član 4.**

Centralna banka će o rezultatima provedenog postupka javne nabavke obavijestiti izabranog ponuđača.

**Član 5.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine, Glavna jedinica Mostar i Odjeljenje za računovodstvo i finansije Centralnog ureda Centralne banke Bosne i Hercegovine.

## Član 6.

Ova odluka će se objaviti na web stranici Centralne banke [www.cbbh.ba](http://www.cbbh.ba), istovremeno sa upućivanjem obavještenja ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH“, broj: 39/14).

## Obrazloženje

Postupak javne nabavke robe – kancelarijskog namještaja, putem tvorenog postupka, pokrenut je Odlukom broj: 150-15-4-1430-4/19SAK od 30.05.2019. godine. U skladu s tim, Centralna banka je objavila predmetni postupak javne nabavke, na portalu „E-nabavke“, pod brojem: 1370-7-1-331-3-164/19 dana 07.06.2019. godine.

Za LOT 2, pristigle su ukupno 4 ponude sljedećih ponuđača: Protim d.o.o. Sarajevo, Sedžan – ingenering d.o.o. Sarajevo, R&S d.o.o. Sarajevo i Sarajevo business consulting d.o.o. Sarajevo.

Pregledom i evaluacijom pristigle ponude, Komisija nadležna za provođenje ovog postupka javne nabavke je u svom Zapisniku o pregledu i ocjeni ponuda, broj: 149-15-4-1730-9/19 od 12.07.2019. godine ustanovila da ponuda ponuđača Sarajevo business consulting d.o.o. Sarajevo nije prihvatljiva iz sljedećih razloga:

- Obrazac za cijenu ponude nije popunjen.
- Dostavljene potvrde o uspješnoj realizaciji ugovora nemaju navedene predmete ugovora, mjesto izvršenja i vrijeme izvršenja.
- Potvrda firme Tareq hospitality d.o.o. je dostavila „preporuku“ koja je odbijena kao valjan dokaz i ista ne sadrži precizan predmet ugovora.
- Potvrda od firme Klika d.o.o. ne sadrži predmet ugovora nego opću informaciju o poslovanju.
- Potvrda firme TIDC d.o.o. također nije valjana jer predmet nabavke nije precizno naveden, naveden je „projekt opremanja hotela“ s toga komisija je ocijenila da ovaj ponuđač ne ispunjava uslove u pogledu tehničke i profesionalne sposobnosti.

Preostale pristigle ponude su prihvatljive i s tim u vezi, zakazano je provođenje e-aukcije na dan 11.07.2019. godine u 11.30 sati.

Prema rezultatima „E-aukcije“, komisija je sačinila i izvještaj o radu sa preporukom, broj: 149-15-4-1730-10/19 od 12.07.2019. godine, gdje je data preporuka da se ugovor za LOT 2 dodjeli ponuđaču R&S d.o.o. Sarajevo, jer je isti, nakon provedene e-aukcije ponudio najnižu prihvatljivu cijenu.

Cijeneći sve naprijed iznesene činjenice i okolnosti, odlučeno je kao u dispozitivu ove odluke.

### Pouka o pravnom lijeku:

Protiv ove odluke može se uložiti žalba u pisanoj formi, Centralnoj banci, u roku od 10 dana od dana prijema odluke o izboru najpovoljnijeg ponuđača.

Dostaviti:

- Uredu guvernera
- Viceguvernerima
- Uredu glavnog internog revizora
- Odjeljenje za zajedničke poslove
- Glavna jedinica Mostar
- Odjeljenju za računovodstvo i finansije (original)
- Odjeljenju za javne nabavke (original)

